



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Hen. Illvstri Regi Vngariae.

urn:nbn:de:hbz:466:1-20006

nonicos memoratos, audiatis illud, & appellatione remota sine debito terminetis. Nullis literis &c. Datum III. Kal. Februarij.

ABBATI MONASTERII
Francarum Vallium, ejusque fratribus tam presentibus quam futuris regularem vitam professis in perpetuum.

Epist. 547.
De confirmatione privilegiorum & bonorum.

Religiosam vitam eligentibus &c. In primis siquidem statuentes ut ordo monasticus, qui secundum Deum & beati Benedicti regulam atque institutionem Cistercien. fratrum &c. usque ad verbum vocabulis. Locum ipsum in quo praefatum monasterium situm est, cum omnibus pertinentiis suis, grangiam de mala musca, grangiam de Argentia, grangiam de Campignola, grangiam de Rocerta, grangiam de Sornellis, quicquid habetis in Avinione, quicquid habetis in Cavellione, quicquid habetis in Bellicadro, quicquid habetis in Lunello, quicquid habetis in tenimento villae sancti Aegidij, quicquid habetis in Cavo monte, & aliis locis. Sanè laborum vestrorum &c. Prohibemus insuper ut nulli fratrum &c. Ad hæc etiam prohibemus ne aliquis monachus &c. Insuper auctoritate apostolica inhihemus, ne ullus Episcopus &c. Si verò Episcopus, in cuius parochia &c. Pro consecrationibus verò altarium &c. Quòd si sedes &c. Quia verò interdum &c. Porro si Episcopi &c. Paci quoque &c. Præterea omnes libertates &c. Decernimus ergo &c. Salva sedis apostolicæ auctoritate. Si qua igitur &c. usque in finem. Datum Laterani per manum Rainaldi Domini Papæ Notarij, Cancellarij vicem agentis, Kalen. Februarij, Indictione secunda, incarnationis dominicæ anno M CXCVIII. pontificatus verò Domini Innocentij Papæ III. anno primo.

PRIORISSÆ COENOBII
de Curio Rivo, ejusque sororibus tam presentibus quam futuris regularem vitam professis in perpetuum.

Epist. 548.
De eodem argumento.

Prudenter virginibus &c. In primis si quidem statuentes ut ordo monasticus, qui secundum Deum & beati Benedicti regulam atque institutionem Cistercien. fratrum in cœnobio vestro &c. usque ad vocabulis. Locum ipsum in quo praefatum cœnobium situm est, cum omnibus pertinentiis suis. Corva-

tam Don Garnier, quam Hu. de Illidio Miles dedit vobis laude & assensu heredum suorum in omni usu habendam. & campum Olrici cum integritate & quicquid in molendino & batarino de Gu-nencort habetis. & terram quæ est juxta pratum sancti Martini, & illud quod habetis in molendino & batarino ex dono Ginardi Pohiers, ex dono Sybillæ, & filij ejus Arnulfi. tria jugera terræ sita inter campum Olrici & Hugonis, & pratum Daven. & sedem batarini, in quo molendinum ædificastis. & tertiam partem de cultura in territorio de Brenvilla ex dono Galteri de Solascort, & partem Everardi de Irrumceria in eisdem territoriis, tam in nummis, quam in segetibus, & partem Alberti Corelli similiter vobis ab ipso concessam, & usum in territorio de Brenvilla. Ex dono Hugonis de Ambleio, unam falcatam de prato sub burgo sanctæ Mariæ, & tertias de Mannia, quas vobis Rainerius de Pares de cultura suorum hominum dedit vobis. Et ex dono Humberti de Doncuria, unum pratum super ripam Mosæ. Sanè laborum vestrorum &c. Liceat quoque vobis &c. Prohibemus insuper ut nulli sororum &c. Paci quoque &c. Decernimus ergo &c. Salva sedis apostolicæ auctoritate. Si qua igitur &c. usque in finem. Datum Laterani per manum Rainaldi Domini Papæ Notarij, Cancellarij vicem agentis, III. Kalend. Februarij, Indictione secunda, incarnationis dominicæ anno M CXCVII. pontificatus verò Domini Innocentij Papæ tertij anno primo.

HEN. ILLVSTRI REGI
Vngariæ.

Inauditam hætenus speciem falsitatis, quam oculis nostris vidimus, serenitati tuæ, quia id expedire credimus, duximus referendam. Cum enim dudum (sicut moris est apostolicæ sedis) regestum felicis record. Alexandri Papæ prædecessoris nostri cuidam fuisset exhibitum, tanquam rescriptum aliquod inspecturo, ut conceptam iniquitatem pareret, de medio quaterno duo folia est furatus, sicut indicium deprehendimus manifestis, cujus facinoris testes & conscij perhibentur in regno Vngariæ permanere. Quia verò graviter peccat, & qui loquitur mendacium, & qui subtrahit veritatem, & publicè interest quòd maleficia non remaneant impunita, magnificentiam

f. notulis

Epist. 549.
Ne testes super falsitate quiddam examinandi impediant verum dicere. *Præ de supra epist. 540.*

scientiam tuam rogamus attentius, per apostolica scripta mandantes, quatenus, ne testibus illis, qui super jamdicto facinore nominati fuerint, ut perhibeant testimonium veritati, quisquam de regno tuo noceat, aut impedimentum prestatum præsumat, eos potenter protegas, & defendas. Datum Laterani II. Nonas Februarij.

LINCOLNIEN. ET WINTON.
Episcopis, & Abbati sancti Edmundi.

Epist. 550.
Vt cognoscant
causam Episco-
pi Conventren-
sis & monaste-
rij.

EX insinuatione venerabilis fratris nostri Conventrensis Episcopi nostris est auribus intimatum, quòd cum bonæ memoriæ W. prædecessor suus de claustrò monachorum ad pontificalem assumptus fuerit dignitatem, voluntatis Conventren. monachorum usque adeo condescendit, quòd ferè ab omni episcopali jure ipsos exemit in successorum suorum grave præjudicium & jacturam. Possessiones etiam & beneficia quædam Lachefeldensis Ecclesiæ ad sustentationem Clericorum ibidem Deo seruiendum deputata, & diutiùs in pace possessa, eis absentibus & irrequisitis sub prætextu cujusdam compositionis, quam tamen ipsi monachi non seruauerunt, alienare præsumpsit, in grave ipsius Lachefeldens. Ecclesiæ læsionem. Exinde verò præfati monachi, tacito quòd in episcopalis dignitatis & Episcoporum Conventren. detrimentum esset factum præfati Episcopi attentatum, compositionem ipsam per subreptionem obtinuerunt à felicis memoriæ Alexandro Papa prædecessore nostro postea confirmari. De qua nimirum compositione successores Episcopi memorati videntes tam sibi quàm ipsi Ecclesiæ Lachefeldens. enorme periculum imminere, ne adversus eos præscriptio curreret, cum non possent naturaliter, civiliter eam interrumpere curauerunt. Cum ergo Ecclesiarum jura ex apostolatus officio teneamur propensius defendere, nec quibusdam velimus consulere cum injuriis aliarum, de voluntate nuntiorum utriusque partis causam ipsam vobis duximus committendam; per apostolica scripta mandantes quatenus vocatis ad vos qui fuerint evocandi, & tam super episcopali jure quàm alienatis possessionibus & beneficiis ecclesiasticis inquisita diligentius veritate, quòd canonicum fuerit remoto appellationis obstaculo statuatis,

facientes quod statueritis per censuram ecclesiasticam à partibus inuolabiliter observari. Nullis literis obstantibus, si quæ apparuerint, harum mentione non habita, à sede apostolica impetrata. Quòd si omnes &c. duo vestrum &c. Datum Laterani III. Nonas Februarij.

GAVDEMARIO ABBATI
Boscaudonen. monasterij, ejusque fratribus tam presentibus quàm futuris regularem vitam professis in perpetuum.

Religiosam vitam eligentibus &c. usque ad verbum statuentes ut ordo monasticus, qui secundum Deum & beati Benedicti regulam atque institutionem Cisterciens. fratrum in eodem monasterio &c. usque ad verbum vocabulis. Locum ipsum in quo præfatum monasterium situm est, cum omnibus pertinentiis suis. abbatiam de Pratis, abbatiam de Lura, quas ædificastis, cum possessionibus suis. Lavercum, cum possessionibus suis. domum sancti Mauricij, cum pertinentiis suis. vineas de Romonolo. vineas de Capdenaso. vineas de Moilatio. grangiam de Paillairols, cum omnibus quæ in illo territorio habetis. grangiam de Villario Roberti, & quicquid ibi habetis, & possidetis. grangiam de Cantalupa, & quicquid ibi possidetis. præterea, quicquid Ebreduni habetis, & possidetis. Sanè laborum vestrorum &c. Liceat quoque vobis &c. Prohibemus insuper ut nulli fratrum &c. Illud districtius inhibentes, ne terras &c. Si quæ verò donationes &c. Ad hæc etiam prohibemus, ne aliquis monachus &c. Licitum præterea sit vobis in causis propriis &c. Insuper auctoritate apostolica inhibemus, ne ullus Episcopus, in cujus parochia &c. Illud adjicientes, ut in recipiendis professionibus &c. Pro consecrationibus verò &c. Quòd si sedes diocesani, &c. Quia verò interdum &c. Porro si Episcopi &c. Paci quoque &c. Præterea omnes libertates &c. Decernimus ergo &c. Salva sedis apostolicæ auctoritate. Si qua igitur &c. usque in finem. Datum Laterani per manum Rainaldi Domini Papæ Notarij, Cancellarij vicem agentis, III. Nonas Februarij, indictione secunda, incarnationis dominicæ anno M CXCVIII. pontificatus verò Domini Innocentij Papæ tertij anno primo.

Epist. 551.
De confirma-
tione privile-
giorum.